

費陽宣洽 動龍翔端 涅鎖溢員  
道命空觀

此方八天

騎舒玄佳 婁突澤生 交精竹蛇

野麋泛流 登淮湧嶽 流迴愬庚

靈帶併火 識覺轉周 太虛玄漢

素台冰潭 執交機印 迨育仙謀

槍執因商 日馳妙虛 尸毛山斬

耳兜東居

道言此諸天中大梵隱語無量之音舊文靈  
秘琅函真王初太玄司命上清靈虛具人以  
丹筆書之佩服化尸受生疾厲殃禍應當滅  
解如風揚塵世間異究尸怪一切不祥朱書  
大化服之或禁初廟社立應天書寶圖字皆  
廣長一文天真皇人昔書其文以為正音有  
知其音能齋而誦之者諸天皆遣侍真靈管  
下察其身書其功勤上奏諸天萬神朝禮地  
祇待門大功真王保舉潤妙德廣剋得遊行  
三界昇入金門此音無所不辟無所不覆無  
所不度無所不成天真自然之音也故誦之

致飛天下觀上帝造唱萬神朝禮三界侍軒  
群杖束首鬼精自亡琳瑯振響十方肅清河  
海靜默山嶽吞煙萬靈振伏招集群仙天無  
氛穢地無妖塵冥慧洞清大量玄玄也  
元始無量度人上品妙經卷之五十九



正一天師清微弟子 洪百堅 製作

靈寶無量度人上品妙經卷之六十 守

鍊氣變仙品

道言昔於始青天中碧落空歌大浮黎土受  
元始度人鍊氣變仙超神上清之品元始天  
尊當說是經周迴十過以召十方始當詣座  
天真大神上聖高尊妙行真人十方鍊氣變  
仙生神道君化骨住命功曹天吏主錄仙名  
應真得度鍊氣變仙無量度人諸天大神無  
鞅數眾御氣而來其氣徘徊非空非有形  
非色混洞無極雲霞霄霧難喻其體九色不  
定乍光乍明或絳或青煥爛九空映耀三界  
自非諸天神靈靈華仙雲瑞彩之可比類發  
於元始王京翠房淵岩冥實之中靡靡布散  
中有百千無量光景各現丹輿綠輦羽蓋瓊  
輪龍旌鳳軒夜光神馬九絕猛獸玉麈停空  
紫蓋高隆流精玉光浩氣鬱勃洞煥太空三  
日三夜諸天日月星宿垂象之輪金瓊玉闕  
瑤樞寶籙靈網雲城宿舍絳岷一時運動行  
度流移不與常等是時天司上官主典據司  
各守輪轂推紐轉括不能循軌以應常次咸

(01)A 417-4

各驚駭而相謂言是何瑞因觀此奇變即建天鼓以候斗車鳴鼓九通下觀玉京之傍一十二山靈海碧濤神津湖應龍蚪出沒其聲沸雷大淵汪洋消流涇汨不與天鼓鳴時機會相應諸天帝宮未識何緣以致斯異廣料簿籍默會簡錄將詣帝臺質其所疑速命威神分雲掃速攝炁治道驟駕龍虎秉執旌旗時未當行神煙四起天風洒灑三辰迴照妙炁澄廓方輿圓蓋左行右旋天籟揚音洞歌宛奏十界流光八塞高舉靜觀群真咸得侍座元始天尊玄坐虛浮紺碧蓮花之上其花萬葉葉珠周遶一葉下廣遐覆一天一葉之珠各現金色天妙世界一一界中各有天仙帝王首冠寶華衣搖仙彩乘鶴駕鸞往來無礙於此連翰明如水晶其宜參空根蟠玉海圓徑萬里中有寶樓琛闕瓊宮瑰殿層疊鬱我所現靈觀不可思議及以比量以近言之猶於太倉遙瞻積粟元始天尊安坐蓮花下觀諸天而是身相大小齊等不有偏陷說經一遍諸天大聖同時稱善是時一國男女身

光影相互相涉入說經二遍神現無極玉京崑崙等一塵芥無有限際說經三遍萬象群類一時同聲讚歎經法清詠道真說經四通上清九空三萬六千日月一時同明九陰齋骸未度之骨運起成人說經五遍金龍神獸競吐風雲合沓九色洞妙激淪說經六遍一國男女舍炁之倫重嬰其顏金玉其身不知有死食炁游神說經七遍天垂碧玉地變黃金紅露飄注甘醴冲盈說經八遍金翅不生神龍夜鳴五嶽收煙八景現形說經九遍玉海揚波碧山秀榮飛仙來朝雲輅鳳旌說經十遍地藏甘露七寶均生頑堅濁礙瑞光化咸是時一國是男是女莫不傾心皆受護度咸得長生

道言是時元始天尊說經一遍東方鍊炁變仙至真大神無鞅之衆浮空而至說經二遍南方鍊炁變仙至真大神無鞅之衆浮空而至說經三遍西方鍊炁變仙至真大神無鞅之衆浮空而至說經四遍此方鍊炁變仙至真大神無鞅之衆浮空而至說經五遍東此鍊炁變仙至真大神無鞅之衆浮空而至說經六遍東南鍊炁變仙至真大神無鞅之衆浮空而至說經七遍西南鍊炁變仙至真大神無鞅之衆浮空而至說經八遍西北鍊炁變仙至真大神無鞅之衆浮空而至說經九遍上方鍊炁變仙至真大神無鞅之衆浮空而至說經十遍下方鍊炁變仙至真大神無鞅之衆浮空而至十遍周竟十方鍊炁變仙者聞於妙炁彌塞普遍泛此浩蕩無量俱來形同於氣氣同於形無有東西及以涯涘種種人物男女相貌忽出忽沒忽隱忽顯遍一大國炁皆散滿非可禁止於是元始含笑出紫金光明寶掌五指手相望炁斂約瑩然開顯即見諸天一切衆生聽法真察無量大道威神冥空天界一切神司大俱叱鬼皆在光氣之內稽首作禮旋匝座下願聞法要眇眇之中去地百丈元始登引天真大神上聖高尊妙行真人十方鍊炁變仙至真諸大神王無鞅數衆俱入光炁之內一切天人見元始

天尊上聖高尊如處寶珠及淨瑠璃天海交  
 映潭潭空碧光照內外潔無纖翳見十方空  
 湛同天眼一切真仙仰看歌詠步虛禮拜惟  
 見拂拂出入來往光融炁化不知所在國人  
 靡散天境平正虛通踈徹元始即於炁觀有  
 無之中說經都竟兼真監度以授於我嘗此  
 之時喜慶難言法事粗悉諸天復位恍惚之  
 間空炁合體寂無遺響是時一切天司三辰  
 二景主運轉機一切真神始悟異因炁變神  
 移莫知所緣乃識元始欲說鍊炁變仙最上  
 妙道先現斯瑞諸天真仙一切天人過值經  
 法普得濟度全其天年無有中傷傾土歸仰  
 識道忘心炁鍊炁明炁大炁剛炁空炁淵炁  
 冲炁運炁有炁無炁變炁仙言不唱宗口不  
 命物齊同慈愛異骨成親國安民豐欣樂太  
 平經始出教一國鍊氣悟十二法以炁合道  
 以道合心心合於神神變為仙宗奉禮敬皆  
 得度世  
 道言元始天尊說經中所言並是諸天上帝  
 鍊炁變仙生神易骨隱韻之音亦是十方變

氣變仙至真大神內諱鍊炁變仙之隱名也  
 非世之常辭上聖已成真人通玄究微能悉  
 其章炁已超登聖地升入無形猶固鍊之誦  
 之十過諸天召炁萬帝變仙天地返元氣如  
 淵泉山鍊為炁地鍊為炁天鍊為炁人鍊為  
 炁三景萬象皆鍊為炁無形端恍惚存亡  
 人能識之變神為仙未能識氣未知鍊道齋  
 戒誦經真炁自生鍊炁自然天地自應三辰  
 不行群魔東形鬼精滅矣回屍起死白骨變  
 仙至學之士誦之十過則精血化炁炁達百  
 川五臟六腑不逆無偏自有入無炁鍊綿綿  
 綿綿永存變神為仙則五帝列侍三元發煙  
 魔精喪膽鬼官揚鞭滌湯九醜炁極通玄清  
 病度死絕命更生所以爾者學士鍊氣未明  
 體未洞真召制萬炁炁登天門炁還天門不  
 知無形德可伏御地祇束縛魔靈但却死而  
 已氣鍊得生輕誦此章炁不充揚流精玉化  
 塞關明堂玄曹記言注子餘殃供養尊禮門  
 戶興隆世世昌熾與善因緣萬災不干神明  
 護門斯經尋妙獨步玉京度人無量為鍊炁

變仙萬道之宗魏魏大範德難可勝  
 道言凡誦是經十過諸天氣到億曾萬粗幽  
 寬苦矣既滅之後皆化為炁炁不經鍊冥漢  
 不生受誦氣鍊皆即受度上升朱宮格皆九  
 年受化更生得為貴人而好學至經功滿德  
 就鍊炁變仙飛昇金闕遊宴玉京也上學之  
 士修誦是經皆即受度飛昇南宮世人受誦  
 則延壽長年後皆得作尸解之道形隨炁出  
 化入無門鬼神合氣氣結成神不經地獄即  
 得返形泛氣太空此經微妙普度無窮一切  
 天人莫不受慶無量之福生死蒙惠上天所  
 寶不傳下世至士齋金寶效心盟天而傳輕  
 泄漏慢殃及九祖長役鬼官侍經五帝玉童  
 玉女各六十四人管衛神文保護受經者身  
 道言正月長齋誦誦是經鍊炁營青為上世  
 亡魂故炁鍊新斷地司牽役復連家訟度上  
 南宮七月長齋誦誦是經氣鍊空白身變神  
 仙諸天書名玉籙素契削死上生十月長齋  
 誦誦是經炁鍊太黃為道王帝主君臣父子  
 召炁九天天福炁冥安鎮國作保天長存世

世不絕常為人君安鎮其方永享太平八節之日誦詠是經炁鍊九星化為九色戴九履一左三右七二四扶身六八扶足氣遠九宮變為真身得為九宮真人本命之日誦詠是經氣鍊太微自千入支六甲從官一炁化奇

道言行道之日皆當香湯沐浴齋戒入室

東向叩齒六十四通上關六十四天心拜

六十四過閉目靜思身坐青黃白三色雲

氣之中內外翁冥有青龍白虎朱雀玄武

獅子白鶴羅列左右日月照明洞煥室內

項生圓象光映十方如此分明密呪曰

無上玄元太上道君召出臣身中三五功曹

左右官使者侍香玉童傳言玉女五帝直符

直日香官各六十四人關啓所言今日言慶

長齋清堂修行至經無量度人願所啓上微

徑御

無上六十四天元始上帝至尊凡前畢

引炁三十二過東向誦經

元始無量度人上品妙經

元始洞玄靈寶本章鍊炁變仙九變度人道

氣隱韻離合自然混洞太元混元為虛虛為

空體炁與空俱炁為太真妙入玄無炁為道

性不屬有無變化通神神與炁俱炁非氣氣

炁非呼吸炁無蒸出炁非雲煙炁非形質真

炁無體彊有炁名炁能生化炁能變遷炁能

堅剛炁能返還炁能長久炁能綿綿我炁非

物能生衆物我炁無情能化有情炁為道母

炁為大神動而為有靜而為空化生玉京蕭

臺鬱我大羅玉清金闕玉房紫閣朱庭真炁

流間化結上真無炁不光無炁不明無炁不

立無炁不成無炁不度無炁不生是為大梵

玄中之玄派分支析如環相連蟠延屈回紫

炁白煙上下無常剛柔有方高聖靈仙萬帝



千真混化一炁鍊而變仙聲諸世間山海樓

闕萬物榮繁智養賢慈上宰下官皆從炁生

受鍊變遷炁無生死炁無願偏隨感而應炁

妙相傳若亡若存眇眇三便虹京瓊池日澤

藥劑大行梵炁周廻十方化生度人不死之

神化生南極長生大君化生鍊炁變仙大神

化生道炁自然威神化生上清神炁紫君鍊

化元炁始生變仙至真尊神炁存不死無量

度人今日校錄諸天臨軒

東方無極鍊氣變仙長生大聖無量度人

南方無極鍊氣變仙長生大聖無量度人

西方無極鍊氣變仙長生大聖無量度人

此方無極鍊氣變仙長生大聖無量度人

東止無極鍊氣變仙長生大聖無量度人

東南無極鍊氣變仙長生大聖無量度人

西南無極鍊氣變仙長生大聖無量度人

西北無極鍊氣變仙長生大聖無量度人

上方無極鍊氣變仙長生大聖無量度人

下方無極鍊氣變仙長生大聖無量度人

十方至真鍊氣變仙長生度世無量大神並

乘梵炁變成紫雲碧琳之蜃瓊鳳之與黃蓋  
 素輪駭駕九龍三炁之耕景雲之熾流火之  
 鈴鳴金考華撼響帝鐘前鳴玉童齊唱後吹  
 玉女茹鳴獅子辟邪蕭歌雍雍八極開圖五  
 帝奏煙德乘萬騎浮炁而來含空降光監真  
 度生詣天丞相太素上宮主道攝炁變仙大  
 神執籙把籍齊到帝前隨所應度嚴校諸天  
 晉告三界無極神鄉泉曲之府止都羅鄴三  
 官九府十二河源上解祖考德劫種親陰屍  
 滯魄萬炁魔蒐身謝三官蒐炁久凝宿業如  
 風飄流惡根炁無生死但有杳冥識念憑炁  
 遊停何依善化福堂惡化災池性因識迷隨  
 炁所之一如在世驚喜笑帝魔炁為吏聿來  
 訊之蒐炁飄揚憶念含悲元始道恩攝炁鍊  
 持積究成和積故成新死炁蕩化落滅罪根  
 不得拘留逼合鬼群元始符命時刻昇遷返  
 炁太无混道元炁天魔六合火獄冰池業盡  
 炁鍊玉光洞徹寂然空廓獨存希夷死寬受  
 鍊仙化天奇道為我身炁為我神念世迷妄  
 徒取悲辛鍊炁變仙無量度人生身受度劫

劫長存隨劫輪轉與天齊年永度轟染滿念  
 輕欲業道天牢蒐魄不經超凌三界道逸上  
 清上清之天天炁至真無色之境梵行

東方十六天是道性元神所現天境  
 本無體象造化為真此名炁觀亦非  
 鍊變而現天真自然太空之玄妙也

不歷星度坎合在無色之境  
 出陰陽之分皆上聖之居

- |       |       |
|-------|-------|
| 宛空明梵天 | 帝空冲嬰  |
| 紫元伯无天 | 帝明子歸  |
| 燕景鬱常天 | 帝虛父自康 |
| 冲正洞極天 | 帝耀未駢羅 |
| 明辨元黃天 | 帝太无留延 |
| 理重淵虛天 | 帝道時建華 |
| 覺真權衆天 | 帝弗泰用師 |
| 清微黃羽天 | 帝鬼度監  |
| 救明望世天 | 帝常遊江因 |
| 越甫問時天 | 帝蘇來鳩生 |
| 炁靈昭浦天 | 帝慶皇上宗 |
| 玄虛光範天 | 帝招集女寬 |
| 上極四種天 | 帝羗陳綏  |
| 易化正鎮天 | 帝杜常生  |

孤罡八範天 帝孔堅明婁  
 九延玉定天 帝智定嚴

- |       |       |
|-------|-------|
| 南方十六天 | 帝崇真斯臺 |
| 丹摩逸化天 | 帝沙劫子安 |
| 斗鑑虛輿天 | 帝望春明  |
| 帝光無濟天 | 帝洞雲无真 |
| 朱陵耀光天 | 帝宛醜羅  |
| 紫景斷白天 | 帝呼牛演池 |
| 降仙台元天 | 帝鹿堂子家 |
| 奕至謝深天 | 帝日曜春  |
| 鬱江斯蟬天 | 帝曾和太空 |
| 估侯利真天 | 帝吐明芝生 |
| 谷玄道用天 | 帝圖何部多 |
| 李步明微天 | 帝隨官松主 |
| 神盧昌應天 | 帝舜角明基 |
| 度正克宗天 | 帝翰覺賢  |
| 大火赤衣天 | 帝江平延孫 |
| 青帝洞逸天 | 帝美疏夜陀 |
| 亥城百化天 |       |
| 西方十六天 |       |

金華光啓天	帝敷妙丙昌
極皇玄運天	帝裕主洪聲
周延靜平天	帝光明王
寶宋榮滋天	帝明梵于璫
慶真美元天	帝廬美上明
祭無神肆天	帝九知賢成
高降質華天	帝柏監文英
道期延紀天	帝屈墮彌
童利帝鋤天	帝西陽周微
鼎神化微天	帝龍恒師
太安順極天	帝震恭孝文
窮熙耀仙天	帝綠羅千
紫都月廣天	帝世諸叢名
崔康節時天	帝欽魚夏瓊
境碧落珉天	帝絳飛酬京
普海洞幾天	帝酉子都
此方十六天	
魚泗統真天	帝禽來護
虎伽霹方天	帝威榮半武
仇淵落余天	帝台真回元

金晶正清天	帝總靈司幾
皇利孔修天	帝鍊牢夫
堯樞精靈天	帝構華伯皇
神吟蕭都天	帝定思狂
慶著嶽符天	帝燕仙壽躬
琛明除苦天	帝琴頤歌
鄭信考孚天	帝希清然寧
政入豹部天	帝脫喬孟嬰
耿壘灑泉天	帝潰庭九公
鬼儲史樂天	帝路熙戴靈
靈護海輪天	帝神文屈兵
上極霄垣天	帝召天提平
碧常洞元天	帝珞池宋程

六十四天六十四帝諸天隱諱諸天隱名天  
 中空洞鍊炁靈章諸天隱韻氣中之音氣中  
 之尊氣中之神氣中大魔氣中之靈九變十  
 鍊合化上清道性為炁炁與空論子未能鍊  
 誦此洞文子若知鍊鍊為至精氣本無鍊鍊  
 為假名以子不精欲染愛憎業為穢垢情為  
 玷痕害子道炁去子華榮靜以鍊炁正以守

成鍊久炁定油然太清炁經鍊持坦夷四平  
 內視八景六虛流明鍊去人道邈同道真無  
 量之與深不可詳數落神真普度天人今日  
 欣慶安度歷關諸天請鍊炁惡斬穢邪根飛  
 度三宮變仙太玄氣中真王監舉保鍊出入  
 無門東斗炁青西斗炁素北斗炁冥南斗炁  
 赤中斗黃庭炁鍊五斗寓變色形色形至真  
 非幻滅稱惟道所適變仙齊靈青炁護魂白  
 炁侍魄赤炁養和黑炁通血黃炁中胎萬道  
 無越青炁仙王淨光幽潔赤炁仙王冲淵帝  
 極白炁仙王浩庭凝密黑炁仙王北玄景蔚  
 黃炁仙王子丹調陸五炁仙王萬神之宗泛  
 駕遊空總領天真道炁為龍麟車虎旌霹靂  
 靈靈熾燄輝赫與大天功上天度人變攝飛  
 空摧魔東杖屐攝止鄭變仙受命下掃不祥  
 六天故氣腥血八衝鬱勃無光盤結橫攻慘  
 慘穢氣神鬼伏蹤隱形其間與世為凶帝命  
 九老勅攝羅電火前驅鞭虎呵龍遍天發  
 鑿擲火九重害炁千里鍊為碧空大帝肅咤  
 玉真騁容寶輪軋霄紫景落敢有干試拒

遇上真鑽天斬頭金斧成形天運地旋風號  
 火寶震攝神丘紫微攝京萬萬千檢鬼姓  
 名三官鼓筆五嶽珠庭不得容隱金馬驛星  
 普告無窮萬神咸聽三界五帝列言上清  
 洞无玉明龍變神剛眇眇億劫混化之中上  
 氣無色下亦無淵中乃洞虛錄悉成天天上  
 天下無幽無冥無形無影無極無窮溟滓大  
 梵遼廓無光氣鍊亦明運度自然元始安鎮  
 九空變仙氣鍊成有雲霞霧煙氣鍊成無神  
 境變仙氣變大梵靈書洞篇火鍊水瑩十華  
 麗鮮八角垂芒金字碧天王文煥空虎卧龍  
 潛鳳蒸鶴迹星鈎網連三元正體萬天盟傳  
 保制劫運使天長存梵蒸彌羅萬範開張元  
 氣流演六十四天輪轉無色周迴十方旋空  
 歷常迴赤流玄八十一分總悉上元九光混  
 合氣入玄玄中太上上帝高真泛氣妙麗  
 吟詠玉梁柱火治鍊流響雲管妙空涵蒸神  
 風合煙紫素境黃白變仙少青朱精和合  
 成真自然鍊變神真自成真中有神長生大  
 君扶攜青華顧接帝壇愜宴九華三天玉宸

太一泥丸司命住心桃康合廷布炁生神黃  
 老鍊變保命生根上遊上清出入華房八冥  
 之內細微之中下鎮人身泥丸絳宮中合太  
 虛空為道母炁借空居變化無常混合百神  
 九變迴靈萬炁變仙仙道貴生無量度人神  
 蓋腦官上開天門飛天命寬罪福禁戒宿命  
 因緣普受開度死炁生神神變為仙上聞諸  
 天諸天之上各有生門中有空洞鍊氣之章  
 仙聖靈篇辭卷高真

第一天真帝皇鍊炁洞碧真王之音  
 天光眇微 靈氣無期 飛騰洞空  
 左右流之 碧海澗澗 鍊此瓊鞋  
 策慮維何 跨斗躡箕

第二太真帝皇鍊炁洞青真王之音  
 神馬無行 我氣非征 道為氣天  
 王官連連 靈熾帶月 龍車朝發  
 擬雲飛香 平海蒙雪

第三玄真帝皇鍊炁洞紺真王之音  
 上帝九門 日光其微 氣無晨霞  
 鍊之長存 青紅紺光 注我黃房

洞芝可羨 鋪嬰慶良

第四妙真帝皇鍊炁洞蒼真王之音  
 天王真蒼 拊球琅琅 炁鍊入空  
 典形相忘 變神變仙 外玄內黃  
 道受運妙 非世所藏

第五極真帝皇鍊炁洞黃真王之音  
 鳳車虎璋 東揖扶桑 紫書龍蟠  
 仙伯垂璫 陽氣如吹 仰御朱光  
 謁帝變仙 鍊炁中黃

第六素真帝皇鍊炁洞紫真王之音  
 赤黑未分 求卯於鷄 咽彼金色  
 氣合希夷 鍊骨為空 氣與形通  
 我道妙微 隨仙何知

第七虛真帝皇鍊炁洞赤真王之音  
 白虎銜壁 轉此赤日 氣鍊彭亨  
 知三得一 仙人玉顏 變此九七  
 混洞無光 端坐瓊室

第八帝真帝皇鍊炁洞綠真王之音  
 青黃變綠 不疾而速 我神為車  
 披雲輕轆 玉女華珠 我乘東驅

一笑墮珥 淵有雙魚

第九玉真帝皇鍊炁洞玄真王之章

絳臺千級 飛仙可入 氣鍊如繩

龍腰玉餅 雲液返童 氣成八風

朝宴崑崙 名登錦丘

第十金真帝皇鍊炁洞玄真王之歌

我持素籥 鍊氣消息 星垂金珮

網流五尺 披雲俯光 吸玄咀液

道成變仙 帝家淵碧

此三景之上飛空之中真王歌首首參洞章

誦之百過名度南宮誦之千過真王保迎萬

遍道備飛昇太空過度三界位登仙公有聞

靈音魔王東形粉制九天侍衛送迎拔出地

戶故氣黑赤百結大關三刑四殺五遁六害

祖炁升運永離鬼官竟度朱陵炁鍊更生是

謂無量善度無窮有祕上天文諸天共所崇

懺慢墮地獄故氣沒祖翁

道言此洞章並是諸天上帝及鍊氣變仙真

王隱祕之音皆是大梵之言非世上常辭言

無韻農曲無華宛故謂玄奧難可尋詳上天

所寶於玄都紫微上宮依玄科四萬劫一  
傳若有至人齋金寶傾心依舊格告盟上清  
然後而付焉

道言天地鍊炁亦有終窮三炁鍊氣亦有虛

盈至聖神人亦有氣數末學之氣亦有絕傷

凡有此災同契皆當齊心修齋六時行香十

遍轉經福炁立降害炁流祥無量之文善度

無窮

道言夫末學道淺或鍊炁未功運應滅度氣

停太陰臨過之時同學至人為其行香誦經

十過以鍊炁炁如法鬼神徑上南宮隨其學

功計日而得更生轉輪不滅變神為仙

道言天地氣終亦當修齋行香誦經星炁錯

度日月失明亦當修齋行香誦經四氣失度

陰陽不調亦當修齋行香誦經國土有災兵

氣四興亦當修齋行香誦經疫氣流行此民

死傷亦當修齋行香誦經師友氣絕亦當修

齋行香誦經夫齋戒誦經功德甚重上清天

災保鍊帝王下覆害炁以度此民生死受鍊

其福難勝故曰無量善度天人

道言凡有是經能為天地帝主此民行是功  
德氣災之日發心修齋燒香誦經十過皆諸  
天記名萬神侍衛右別聖人剋得為聖君金

闕之臣諸天記人功過毫分無失炁中真王

亦保舉爾身得道者乃當洞明至言也

諸天中大梵隱語無量音 道君撰

元始洞玄鍊炁變仙玉篇

東方八天

潭無景憐 起寂洞珉 太極竟羅

玄牡犒澠 玉幾纏眸 碧畢完辰

霞廓益眇 昆池鏡騰 虛蕩醜訐

華廷目君 法連幽演 逗雲膏寅

吹昂葛希 樊堂普澄 愛祕曲賴

滋球侍中

南方八天

金基明俞 控志煙陵 清都闕文

舒誠屏迎 暮孤燕飛 赤萁懸會

宛利皇建 喬強預悅 辨淨普徒

微立霸形 花析若龍 道羅韻聲

薦巴耶尼 九日玄京 烏佳求竭



碧除隱彌

西方八天

泉曲監阿

齒精浮黎

覺逸落定

絳闌伴兮

帝忽致投

鈎圍建施

流育律逐

黍稷芬非

林振即虛

苟首元友

碎岩天山

緊樓錦披

僅房遠交

軒多瓊曲

爛絕送治

寬動太儀

北方八天

蔚蘭未司

局丹耀禧

崑龍煙梁

精泓蘇界

氣道神散

空中煩瑣

德鎮洞后

題鉏乾羅

霞落美太

救淵捧祝

璧瑤負月

追冥素旗

出氣度玉

金道八坪

黃臺四空

虎首澆歌

道言此諸天中大梵隱語無量之音錄氣變  
仙九宮玄文天真皇人知氣之元得氣之根  
氣化廓落縱橫成文丹筆書之八角垂輝疊  
玉排瓊其方一丈四景耀明昔書其文以為  
正音有知其音能齋而誦之者道炁鍊真神

隱冲冥諸天真王下觀其身書其功勳上奏

諸天萬神朝禮地祇侍門大敷真王保舉上

真道備刻得遊行三界昇入金門此音無所

不鍊無所不營無所不化無所不明鍊炁變

仙自然之音也故誦之致飛天下觀上帝逸

唱萬神朝禮三界侍軒群秋末首鬼精自亡

氣激神宮玉音自鳴天球振響道空鬱清海

平嶽珠碧煙金城鶴觀壘壁仙都虛盈萬仙

駢擁紫蓋丹旌天地鍊炁變化吳京冥夷起

忽大量玄玄也

元始無量度人上品妙經卷之六十

靈寶無量度人上品妙經卷之六十一 洪一

水斷輪轉品

道言昔於始青天中大浮網歌玄明黎土受

元始度人永斷輪轉無量上品元始天尊當

說是經周迴十過以召十方始當詣座天真

大神上聖高尊妙行真人無鞅數衆乘空而

來玉馬雲輅彩霞流霽丹輿形設陣華飛香

三景蔚清合映太空七日七夜諸天日有龍

文月星寶字星樓鶴觀宿舍機曜一時停輪

龍風兼雨風氣成山天無浮翳四象高明一

國地土山川林木緬平一等無復高下土軟

紫金外涵水火淨潔交徹無有異色衆真侍

座元始天尊玄坐空淨無色海光之上金山

不動瑞相儼如說經一遍諸天大聖同時稱

善是時一國男女見道真形狀捨生死說經

二遍覺悟三業猶彼火聚說經三遍觀身穢

壞願證法體說經四遍悲憫三界轉覆如輪

說經五遍世間安見回念正道說經六遍道

可飛神不染羸惡說經七遍自知宿命不貴

道靈說經八遍住此真常永斷輪轉說經九